

左恪靖侯奏稿續編

恪靖奏稿續編卷十九目錄

請於陝甘餉項外

飭撥是餉作為專款摺

截剿逆回大勝摺

宋慶一軍應否仍留豫省片

西征皖軍月餉參差請

飭安徽撫臣通籌添撥摺

請  
飭袁保恆督辦糧台專摺奏事片

請於陝甘餉項外飭撥實餉作為專款摺

奏為遵

旨縷晰覆陳請於陝甘餉項外

飭撥臣軍寔餉作為專款以清眉目而濟要需仰祈

聖鑒事竊臣於正月初三日准軍機大臣字寄同治七

年十二月二十七日奉

上諭前據左宗棠奏請飭催軍餉當交戶部速議具奏  
茲據該部奏稱左宗棠前奏陝甘缺餉數目暨請增撥  
鉅款並未明晰前撥六成洋稅一百萬兩未嘗無裨於

陝餉其各省釐金應由各該省定議再行覆核籌撥於撥餉之期並無遲誤陝省缺餉數目據劉典奏明每年需餉三百萬兩除本省所入及江廣粵海閩海江漢協餉外仍不敷銀一百四十萬兩自應酌量添撥甘省情形雖據穆圖善陳奏月需餉四十萬兩未據逐款分晰等語陝甘常年軍餉及現在用兵餉需必須逐款分明方免膠轕陝省據劉典所奏缺餉已有確數著該部迅卽酌度情形彙案添撥以資接濟甘省每年寔需餉若干除本省入款及各處協款外缺餉若干各省專協甘

肅之款何處尙能協濟何處並不協濟著左宗棠穆圖善會同核議縷晰陳明再由該部酌核辦理郭寶昌一軍現已增募馬隊三千餘於陝餉有無窒礙著左宗棠悉心酌辦戶部原摺著鈔給左宗棠閱看欽此竊維陝西餉項每年需銀三百萬兩經署撫臣劉典陳請業經部臣議准陝餉可期有著甘省之餉臣欽奉

諭旨後卽咨署督臣穆圖善核明會奏郵遞梗阻未卜何時接其覆緘然臣竊意甘肅軍營因餉缺太久士氣難以速振穆圖善雖極意整理亦恐勢有所難非俟度

隴後按營點驗切寔釐別需以次第經理雖言寔濟也  
下之由秦入隴尙難尅期未入隴之前無從懸定其餉  
數之多少言多則糜

國帑言少則拂人情總於大局無益竊以甘肅缺餉既  
鉅且久穆圖善寔已艱苦備嘗現值銷兵之時東南軍  
餉已有贏餘自宜及早撥給以固軍心而蘇民困多寡  
之間臣未敢臆斷也臣軍馬步七十餘營本是楚軍劉  
典前奏陝餉未曾附入穆圖善覆奏甘餉臣又未便附  
入如歸陝甘計算既患膠轕不清不歸陝甘外昇又苦

慮懸無著再四籌思惟有據寔開列清單恭呈

御覽伏懇

天恩飭部速議指撥專款急濟要需此後部撥臣軍寔  
餉請卽名爲西征寔餉各省協撥臣軍之餉亦卽以西  
征名之庶幾眉目朗然部臣容易稽核而臣軍此時可  
免侵佔陝餉攫取甘餉之疑異時辦理報銷亦易清晰  
至於清單內約計數目均就現在時地而言原非一定  
章程卽營哨增減亦無一定常額臣惟有寔用寔銷隨  
時另案咨報戶部以昭清白臣雖無狀不敢以餘粟餘

財自污素節上負

深恩劉典制行清嚴同時各將領尙均樸寔耐苦至於  
高連陞劉松山不就廣東提督無事腴區而馳驅於層  
冰積雪之間力圖報稱其志節凜然尤可慨見此時西  
征餉需寬裕一分卽多爲

朝廷辦一分寔事爲闔閩多留一分元氣區區愚誠寔  
匪有他所有續晰覆陳臣軍餉需情形伏

皇太后

皇上聖鑒訓示施行謹



奏同治八年正月三十日

謹將臣與撫臣所部楚軍由臣發給月餉數目並變通  
糧價及採買製造轉運各費開具簡明清單恭呈

御覽

計開

一 恪靖前路五營統帶官提督劉端冕計五營勇夫薪  
糧並統領費砲勇口分每月約需寔銀一萬五千餘兩  
一 恪靖中路五營統帶官提督周紹濂計五營勇夫薪  
糧並統領費砲勇口分每月約需寔銀一萬五千餘兩

一恪靖後路五營統帶官現時缺員係臣自帶計五營勇夫薪糧並砲勇口分每月約需寔銀一萬五千餘兩統領費停給

一恪靖前營馬隊一營每月薪糧馬乾約需寔銀三千餘兩

一恪靖中營馬隊一營每月薪糧馬乾約需寔銀三千餘兩

一恪靖新前營一營每月勇夫薪糧約需寔銀三千餘兩

一恪靖輔營一營外加一哨並親兵兩隊每月勇夫薪糧約需寔銀三千五百餘兩

一恪靖正營一營每月勇夫薪糧約需寔銀三千餘兩  
一恪靖奇營馬隊統帶官提督馬德順計八營外加小隊一百名薪糧馬乾並統帶費每月約需寔銀二萬六千五百餘兩

一恪靖親軍馬隊一營外加一哨並先鋒十名親兵四隊薪糧馬乾每月約需寔銀四千四百餘兩

一恪靖親軍十哨係臣自帶每哨約一百五六十人共

台三營之數勇夫薪糧每月約需實銀一萬餘兩

一楚軍果勇全軍統帶官甘肅提督高連陞計步隊八營馬隊一營一哨勇夫薪糧馬乾並統領費每月約需實銀二萬七千四百餘兩

一楚軍平江營統帶官甘肅按察司張岳齡計三營勇夫薪糧並統領費袍勇口分每月約需實銀九千餘兩

一楚軍武威營統帶官留陝補用道魏光燾計三營外加一哨又馬隊四十三員名勇夫薪糧馬乾並統領費每月約需實銀一萬餘兩

一楚軍宗岳營統帶官員外郎銜中書科中書吳士邁計兩營外加兩哨勇夫薪糧並統領費砲勇口分每月約需實銀六千餘兩

一吉林馬隊統帶官副將崇志計三營薪糧馬乾並統領費每月約需實銀九千六百餘兩

一楚軍水師中前兩營又潼關防勇一百名每月薪糧約需實銀四千五百餘兩

一道員湯聘珍新募恪靖安營一營每月勇夫薪糧約需實銀三千餘兩

一提督銜總兵簡敬臨新募楚軍兩營每月勇夫薪糧約需實銀六千餘兩

一楚軍先鋒營一營每月勇夫薪糧約需實銀三千餘兩

一楚軍後勁營一營每月勇夫薪糧約需實銀三千餘兩

一撫臣所部副五營親軍左右翼營恪靖左營營務處加左右侍勇共合九營之數每月勇夫薪糧約需實銀二萬八千餘兩

以上楚軍馬步約共七十營現在戰事方亟固未可輕  
言去兵即使陝事速了臣拔隊入甘而陝省地方新復  
亦須留駐勁旅以爲善後之圖審度事機無從節省計  
每月約共需銀二十一萬餘兩每年約共需實銀二百  
五十餘萬兩至臣與撫臣隨營支發及各路總局分局  
文武員弁勇夫書役月支薪水鹽折心紅紙張等項銀  
糧尙不在內

一變通糧價查楚軍營制步隊每營連長夫共六百八  
十八人馬隊每營連長夫共五百八十八人臣與撫臣

所部七十營內步隊約五十五營馬隊十五營合共四萬六千七百餘人又大營文武隨員差弁夫役及遠近各局隨時添派人數無定統共約五萬餘人馬約五千餘匹每人日食米一升每日需米五百石每月即需米一萬五千石陝省市價大米及各省採買大米每百斤長跌牽算約需銀三兩上下該弁勇等所得薪糧除食用外所餘無幾若長夫口糧每月三兩則並食用亦且不敷養兵之難至於如此前年曾奉



恩旨垂詢陝甘地方瘠苦南方勇丁多不願往若將調  
赴該省勇丁酌增餉銀若干當可樂於從事欽奉之下  
感荷莫名入陝以後經臣體察情形糧價正雜各殊長  
跌無定若將勇丁口糧一律加增當其平減徒滋浪費  
當其昂貴仍虞不敷且一議加增卽爲定制後來不繼  
裁減爲難以故餉銀仍照舊章而於各軍每領官糧百  
斤止扣價銀三兩其餘不敷之數均准由臣作正開銷  
既恤兵艱復歸撙節似爲兩全以現在糧價尙平計之  
除運脚外每百斤約不敷銀一兩及七八錢不等每月

合算卽不敷銀一萬五千兩有奇至馬乾一項原定每馬一匹月支馬乾銀三兩按陝省現在市價每馬日食麩三斤料三斤草十二斤計之月已需銀五兩有奇若追賊兼程崎嶇險遠尙須酌加喂養則不敷甚鉅畜馬之難又如此臣故於各營所領官發麩料柴草等項亦皆格外從減扣價每月計又不敷銀萬餘兩凡此變通辦法明知爲例不應銷之款然地方情形不同物價昂貴倍徙不得不通融挹注以收飽騰之效與其加增正餉而巨款不可復裁不如變通糧價而隨時可期節省

總計米價馬乾兩項每月約需銀二萬餘兩每年約需  
寶銀二十餘萬兩

一採買製造查陝省防剿各營所需軍裝軍火等項除  
陝軍甘軍業經撫臣

奏明由陝局供支外計臣部七十營合之劉松山郭寶  
昌李輝武等客軍尙不下百二十營所需軍火軍裝爲  
數甚鉅而洋礮洋鎗洋葯洋火各項則並陝軍甘軍亦  
概由臣局供支此項軍火皆由上海洋行採辦而來價  
值卽甚昂貴其他軍裝所用如銅鉛鋼鐵以及櫻藤麻

紙油漆竹木等項陝省一無土產無非購自遠方至於  
棚帳旗幟號衣例應半年一換所需布匹工價更爲繁  
鉅從前均由鄂省製造轉運西安臣初入陝時覺其繁  
重多費亟議停止乃就省局製造工料物價兩相比較  
實尙不如遠省之費省工良蓋外省運脚雖繁而工匠  
之雇值物料之市價較本省尙減也現又招募浙江工  
匠速備機器來陝製造洋鎗銅帽開花子等件以省上  
海購運之費而目前所費又復不貲總之此項採買製  
造經費卽專就棚帳號衣兩項有定之數照例核算每

年卽不下十餘萬兩其餘軍裝軍火各項需用尙繁亦無成數可以預計約每年又需銀十餘萬兩二共實需銀三十餘萬兩

一轉運陝省水路險遠勞費殊甚水路湖江漢湖黃河盡係逆流推輓陸路則夫運馱運峻坂崎嶇艱難萬狀以目前主客各軍所駐之地計之除水程不計外酌定夫運以五十里爲一站馱運以六十里爲一站陸程已十餘站至二十餘站不等所運之項以糧食爲大宗本省兵燹之後田土荒蕪產糧旣屬無多又須少留民食

以故各軍採買均係購自四川湖北河南山西等處計程總在千里之外合楚陝各軍及駐陝甘軍勇夫共七八萬餘人每人食米一升月需米七八百餘石水陸遠近牽算每石約需運脚銀四五兩卽月需銀十萬兩有奇其軍餉軍火軍裝等項均由上海水運鄂台由鄂水運荆紫關龍駒寨等處然後陸運西安再由西安分途解赴前敵之楚陝各軍及劉松山郭寶昌等軍應用爲數實甚繁鉅此項運費多少原難預定大約每月總需銀二萬餘兩二共月需銀十二三萬兩通計每年運脚

需銀一百五十餘萬兩

以上薪糧及變通糧價二項專就臣與撫臣所部楚軍而言每年共需實銀二百八十餘萬兩其採買製造轉運兩項則楚陝各軍及駐陝甘軍並劉松山郭寶昌李輝武等客軍均取給於此自應由臣統籌分給未便辦理紛岐計每年又共需銀一百八十餘萬兩統計西征實餉每年共需銀四百六十餘萬兩其陝甘各軍餉項及賑撫難民安插降眾開墾屯田等經費均不在內合

併聲明

軍機大臣奉

旨戶部速議具奏欽此



截剿逆回大勝摺

奏爲官軍截剿逆回大獲勝仗據實馳陳仰祈

聖鑒事竊正月十五日以前提督劉端冕道員魏光燾  
剿辦歸巢回逆連獲大勝業經臣等於正月二十三日  
馳報其時僅據魏光燾十四日收隊後稟陳大略情形  
而劉端冕戰狀亦祇敘至正月十一日止頃據魏光燾  
稟十五日擊敗將台歸巢之回逆先據生賊供係回酋  
胡元帥所帶十五日收隊後訊生擒各賊始知胡元帥  
卽虎元帥之訛而賊中所稱虎元帥卽白彥虎蓋賊中

十八首之一兇悍素著者也是日斃賊千餘生擒逆目張阿寶馬元元及悍黨百名總兵吳禧德陣擒執旗賊目賊及傷吳禧德左手吳禧德急開小洋鎗斃之割其首級未詳其名而自此賊殫斃後諸步賊奔潰不復回顧知必賊中巨目也十六日搜捕山谷餘賊又有擒斬而其軍之留駐吉字峴者於十五夜調知前竄澄城郃陽韓城各境回騎經郭寶昌擊敗後餘賊復竄至洛川楊樹村劫去官軍運糧馱騾二十餘頭向交口竄走留守吉字峴老營五品銜知縣余市勳飭守備楊金龍及

各營隊伍進剿調知騎賊夜聚普羅村卽夜出隊掩擊  
三鼓直抵賊巢先設伏左右兩路斷其分竄楊金龍及  
千總范朝海守備戴俊德游擊唐萬勝外委張金明首  
先殺入賊正酣睡驚起亂竄參將程東海副將李奔魁  
兩路伏兵齊發鎗盡矛刺賊屍遍野驟馬糧食概經奪  
獲惟回目白同舉棄馬逃走僅獲其馬此股殲除殆盡  
矣劉端冕自初十一等日鐵剿劉家屯岳家屯回竄  
之賊後十三日戌刻探報後股狃逆又竄近延安劉端  
冕立飭副將喻經魁率所部趨勞山爲疑兵以分賊勢

目率中前左右四營趨高家哨俟賊竄近則設伏擊之  
天明抵高家哨已刻遙見馬衣山後塵氛大起劉端冕  
急飭副將文明章參將黃承佐迅渡洛河伏雷村左右  
伺賊半渡擊之飭提督甘大有率所部伏牛武川之左  
自率中營伏牛武川之右約聞中營號聲則起布置甫  
定賊果由牛武川蜂擁而來中營號聲起右營應之賊  
見官軍突出大驚棄馬分竄官軍兩路夾擊斃賊無數  
其冒死搶渡者適水泮水長擁擠不前官軍乘勝蹙之  
逼溺無數霎時糧食馬騾軍械屍骸橫砌河干其先渡

之賊又經雷村伏軍文明章黃承佐突出截擊無一免者其喻經魁一營是日辰刻甫抵小勞山而賊之馬步數千已麀聚大勞山廢寨午刻整隊進擊賊見官軍無多遽前搦戰喻經魁堅陣不動卻之塵戰數時轟斃悍賊數十名賊翻山而竄知前股已經官軍痛剿不敢復趨舊路繞向蔡家山覓徑狂奔劉端冕詢知之十五日黎明潛師赴王家坪以待逾時賊果絡繹翻山而下劉端冕飭前左兩營由左右抄襲其後自率中右兩營奮起突擊賊駭而奔官軍歷之斃賊甚多其已捨渡過河

者又經先鋒馬隊過河追及步隊追至石門子餘賊奔  
路狂奔十六日追至洪家河則賊已散竄歸巢矣計劉  
端冕全軍截剿勞山牛武川王家坪掠食歸巢兩起回  
逆約共陣斬千數百名生擒回目馬光福楊超龍等三  
百餘名拔出難民二百五十餘名而官軍僅受傷九名  
蓋久駐甘肅一帶熟悉地勢故能伏軍制賊以一當十  
克獲全捷也其回逆另股由董志原西南竄出者賊目  
王明章等馬步千餘由甘肅秦州竄擾岷家河張家莊  
等處有竄伺鳳縣唐藏以入棧道之意駐軍寶雞之記

名提督著漢中鎮總兵李輝武調知之正月十六日飭分駐鳳縣之提督銜升用總兵胡國珍總兵銜副將楊恩澤率兩營擊之追抵唐藏賊已遁竄倒回溝胡國珍楊恩澤分三路追擊斃賊甚多賊由隘口辛家山一帶竄向黃牛舖而遁十七日李輝武親率總兵銜副將邵永齡已革總兵王名滔記名提督王照南總兵銜副將蕭德林各帶七成隊馳往督剿十八日丑刻行抵東河橋聞賊已由黃牛舖竄至梅見溝李輝武急飭四營分路抄襲親率藍翎訓導羅寅五品翎頂升用知縣周鑑

文從九吳銘訓帶親兵由中路直入賊不料官軍速至  
駭懼失措正思脫逃而左右兩路官軍已截其去路鎗  
礮齊轟刀矛並進立斃悍賊數十名驟馬紛紛中鎗倒  
斃該逆仍冒死衝突王名滔憤極怒馬衝入賊中手刃  
悍賊數名賊大潰各營乘勝掩殺將溝中之賊全數撲  
滅生擒回逆十餘名其騎賊百餘先奔原上者見溝中  
賊已敗滅遽向馬頭飛奔而遁李輝武令王名滔周鑑  
文督同邵永齡胡義和由馬頭躡蹤追剿沿途迭有擒  
斬餘賊由通同峪回董志原老巢官軍始收隊回寶雞



提訖生擒回逆股元兒等訊知回目王明章上臘二十日率其黨千餘由董志原至秦州一路擄掠至鳳縣不料猝遇官軍王明章於十八日在梅見溝經官軍擊斃其先鋒藍正魁海全福在倒回溝亦經官軍陣斬此股已剿滅殆盡矣計李輝武是役共斃回逆八百餘名生擒十七名奪獲騾馬二百餘匹而所部亦陣亡八名受傷二十餘名日夜苦戰窮追不遺餘力客軍似此尤爲難得臣等前會商剿辦回逆不峻拒以絕其求生之心亦不輕許致墮其緩兵之計乃犬羊之性反覆無常方

求撫時仍一面四出竄掠北路則擾及定邊東北則擾及甘泉延安延川東路則擾及宜洛韓郃澄城西南則擾及秦州鳳縣縱橫馳突股數甚繁步騎雜還實兼髮逆之悍捻逆之狡而有之幸北路東路東南西南路各軍且防且剿無戰不克大挫兇鋒殆詩所謂緜緜翼翼不測不克者歟仰仗

皇上德威將士効忠敵愾人共一心故能各奏爾能不知飢瘁可否仰懇

天恩准臣等擇其尤爲出力者彙爲一案分別保獎以

獎前勞而策後効伏候

聖裁其幸輝武所部六營本是蜀軍以剿爲防發著戰績此次苦戰五晝夜殲除月股擒斬賊目多名先據稟請保獎前來臣等覆核無異應請獎敘以示激勸而昭公允記名提督署漢中鎮總兵武勇巴圖魯李輝武請賞換清字勇號已革提督銜記名總兵烈勇巴圖魯王名治前在湖北軍營因勇丁譁潰一案同治五年正月二十七日奉

旨卽行革職王名治自獲咎後奉檄從戎深知愧奮此

次衝入賊中手刃數賊驍勇冠軍應請

旨開復原官仍以總兵記名遇缺題奏並免緡捐復銀兩提督銜升用總兵固勇巴圖魯胡國珍沈雄樸實請以總兵記名遇缺

簡放總兵銜儘先副將楊恩澤蕭德林邵永齡身先士卒膽氣甚優應請

賞給勇號記名提督王照南應請

賞給該員三代正一品封典五品翎頂升用知縣選用府經歷周鑑文謀勇兼資請免選府經歷仍以知縣留

於陝西補用並免繆捐免保舉銀兩藍翎不論雙單月  
遇缺儘先選用訓導羅寅臨陣整暇請免選本班以知  
縣不論雙單月遇缺儘先補用不論雙單月遇缺儘先  
前選用從九品吳銘訓勇銳無前請免選本班以縣丞  
不論雙單月遇缺儘先前選並請

賞戴藍翎其餘出力將弁勇丁應請彙入西南路剿回  
大勝案內分別獎敘是否如斯伏乞

聖鑒訓示施行臣宗棠拜摺後卽率親兵各營啟行赴

乾州一帶督剿合併聲明謹

奏 同治八年正月三十日

同治八年二月初六日內閣奉

上諭左宗棠等奏官軍截剿逆回大獲勝仗請將出力各員分別獎勵一摺本年正月十五等日魏光燾一軍擊敗將台歸巢回逆斃賊千餘名生擒逆目張阿寶馬元元等多名並陣斬執旗賊目搜捕山谷餘賊將賊騎截剿鎗轟矛刺賊屍遍野驟馬糧食概行奪獲劉端冕全軍於初十等日截剿勞山牛武川王家坪回逆約共陣斬千數百名生擒逆目馬光福楊超龍等三百餘名

救出難民三百五十餘名身股由董志原西南竄出者  
經李輝武督軍馳剿擊斃逆目王明章賊黨剿滅殆盡  
計斃匪八百餘名生擒十七名奪獲驃馬二百餘匹剿  
辦尙爲得手所有各軍歷次剿賊出力員弁准左宗棠  
等擇尤彙案奏請獎勵其李輝武一軍係四川派出援  
兵自應先行鼓勵總兵李輝武賞換法福凌阿巴圖魯  
名號已革總兵王名泗著開復原官仍以總兵記名遇  
缺題奏並免繳指復銀兩總兵胡國珍著以總兵記名  
遇缺簡放副將楊恩澤著賞給勝勇巴圖魯名號肅德

林著賞給効勇巴圖魯名號邵永齡著賞給果勇巴圖魯名號提督王照南著賞給該員三代正一品封典府經歷周鑑文著免選府經歷以知縣留於陝西補用並免繳捐免保舉銀兩訓導羅賓著免選本班以知縣不論雙單月遇缺儘先選用從九品吳銘訓著免選本班以縣丞不論雙單月遇缺儘先選並賞戴藍領餘著照所議辦理該部知道欽此

宋慶一軍應否仍留豫省片

再榆林一帶已據延榆綏鎮總兵劉厚基馳報肅清歸



綏薩托清一帶計均一律肅清矣提督張曜雖已入邊而神機營及天津之洋隊均已馳抵綏遠城軍威甚盛節適驚蟄冰凍漸解此時晉省邊外邊內河防易臻穩固始以備多力分爲虞今又以兵多糧絀爲苦其湖南提督宋慶一軍此時已遵

旨由太原北趨而榆林邊內邊外已漸肅清似非所急且又人數太多山西辦糧實不易易應請

飭下綏遠城將軍山西撫臣察酌情形宋慶一軍應否飭其回豫免滋勞費之處出自

聖裁宋慶樸實廉勇紀律素明臣所稔悉此時若檄其  
入秦助戰實所至願而臣軍餉精垂絕採購轉運實已  
力盡筋疲又不敢多延客軍致滋重累實在情形不敢  
不披瀝上陳伏乞

聖鑒訓示施行謹

奏同治八年正月三十日

軍機大臣 字寄同治八年二月初六日奉

上諭本日據左宗棠奏榆林歸薩托清一帶肅清宋慶  
一軍應否飭其回豫免滋勞費等語上年陝回竄擾邊

外歸綏等處所調防剿兵勇人數甚多購糧不易左宗棠西征各營亦以兵多糧絀爲慮是轉運日繁軍行轉增苦累現在歸綏薩托清一帶及榆綏各屬一律肅清且春融凍解晉防較鬆所有前次調赴歸綏之神機營吉林黑龍江馬步各隊天津之洋炮隊如可撤回著定安酌酌情形具奏宋慶一軍雖屬採買維艱而該軍素稱得力既由太原取道永甯入陝若再令折回未免徒勞跋涉張曜一軍現在陝西北路卽著左宗棠迅飭該提督率隊前往會同張曜相機堵剿杜賊東趨將此由

五百里各諭令知之欽此

西征院軍月餉參差請

飭安徽撫臣通籌添

撥捐

奏爲西征院軍前後兩起月餉參差懇請

飭下安徽撫臣通籌添撥按月解濟仰祈

聖鑒事竊郭寶昌一軍由安徽調赴陝西隨同剿擒前  
年冬追賊由豫境轉戰直東事平復遵

旨隨

臣

人陝其時郭寶昌傷疾未愈安徽撫

臣

英翰

奏留調養

臣

飭其弟郭運昌代領該軍與之俱西查該

軍月餉每月原撥山西一萬石湖南五千兩餉糶卽已甚薄而湖南撥款從未報解分釐以一萬月餉養馬步三千五百人在直東糧食價賤之時已難敷衍臣卽屢等津貼自彰德會師而後該軍實因餉乏時有逃亡臣不得已飭郭運昌改照楚軍章程一律給餉每月除山西一萬兩外其餘不敷概允出臣墊給惟切屬其致信郭寶昌勿再多募勇丁更滋重累誠恐皖省仍照舊章添募而來臣實無餘力再爲津貼也嗣奉七年十月二十三日寄

論郭寶昌西征月餉除山西月協一萬兩湖南五千兩  
外英翰等現擬於皖省月協該軍二萬五千兩並隨時  
我補不敷之數均解交湖北甘肅後路糧台轉解等因  
欽此隨准安徽撫臣來咨增撥皖軍步隊三千名馬隊  
一千三百名歸郭寶昌總統西征每月月餉由皖省籌  
銀二萬五千兩等因臣竊維郭運昌代領之前起馬步  
各營按照楚軍營制月需實銀二萬四千兩除原撥山  
西一萬兩湖南已撥未解五千兩每月已短銀九千兩  
復淮皖省添撥西征馬步各營按照楚軍營制核筭每

月又需銀三萬三千餘兩今僅九籌解二萬五千兩是  
每月又短八千兩臣前據郭寶昌來稟知續撥馬步皆  
皖省募成之營交其總統其中降眾頗多恐難得力又  
兵日多而餉日絀不代籌津貼既無以固軍心若再籌  
津貼又無從得此巨款前次所以有無益於兵事有損  
於餉事之奏也迭經臣飭令郭寶昌嚴加汰選力求擴  
節並將郭運昌代領之前起馬步隊歸其總統以昭畫  
一據郭寶昌分別挑選點驗折補稟報前來計前後兩  
起實共馬步七千人內前起係步隊六營馬隊二營後

起係步隊五營馬隊四營共馬步十七營較之皖省原咨人馬之數雖已減少然合之楚軍營制每月猶需銀五萬一千兩除山西原撥一萬兩皖省籌辦二萬五千兩並湖南原撥未解之款業經該省

奏明停止仍由院省籌解銀五千兩合共四萬兩外計每月尙短銀一萬一千兩通年卽短銀十三萬二千兩其製辦轉運軍火軍裝之費尙不在內臣處此窘迫之鄉何從籌措現據鄂寶昌稟該軍餉章不一口分不齊勢難總統請臣派員專統鄂運昌前起之阜勝軍臣體



察軍情萬難照准而同軍異餉彼此相形不但不能望  
其他勉同心並恐將士禍居相猜別釀意外之衅應懇  
皇上天恩飭下安徽撫臣於現已籌解四萬兩外按月  
再由皖籌解銀一萬一千兩徑解郭寶昌軍營俾得均  
照楚軍營制一律支放則郭寶昌總統全軍無庸顧慮  
而征西車馬共感投膠之惠頓忘遠役之艱於戰事必  
有裨益此外軍火軍裝製造轉運經費自應由臣竭力  
籌給以歸一律所有西征皖軍前後兩起餉項參差懇  
請由皖添撥緣由理合據實馳陳伏乞

皇太后

皇上聖鑒訓示施行謹

奏 同治八年正月三十日

請 飭袁保恒督辦糧台專摺奏事片

再臣軍入秦以後祇設隨營支應局未立糧台及剿捻  
赴直東各營留陝者多隨征者少於是劉支應局爲二  
一仍隨營支應一留陝西支應各營而局分兩地舊存  
文案不齊各省局地解餉項軍裝軍械軍火等件均分  
批分解或陝或直繁雜紛歧驟難清晰臣西還後卽改

留陝支應局爲臣軍總理軍需局清理案牘稽核款項  
而軍裝局亦隸焉蓋收存各省協餉及各省製買之軍  
裝軍械軍火等件分給臣與撫臣在陝各軍之總匯也  
惟是臣督軍西征師行日遠一日其各省協餉之到鄂  
台及由鄂台轉解到陝者有總理軍需局稽查收存固  
期周妥惟各省協餉有遲有遲有應有不應有能匯兌  
不能匯兌者有宜贖催而緘懇者臣轉戰而西手泊軍  
書日不暇給而郵程迢遠道途通塞靡常若一一待臣  
於行營陳

奏分咨必致多延時日誠恐事多延滯致悞戎機歷代西北用兵無不以饋餉運道爲急卽近時陝甘督臣亦請在陝設立糧台現設甘肅後路糧台而以藩司林壽圖司台務奏事其明徵也林壽圖已蒙

恩准乞養而西征糧台不可無大員經理查有三品銜翰林院侍講學士袁保恒係奉

旨交臣差委之員上年十一月來臣營次臣朝夕晤對知其器識恢宏遇事能見其大又久歷戎行日覩臣軍苦絀情形亟圖共紓策臣擬請其督辦西征糧台以

裨軍務竊計袁保恒以待從清秩總理軍儲遇有催提餉需協撥之處自可以絀贖遍抵協餉各省將軍督撫海關亦可將臣軍餉需緩急情形上塵

清聽庶俾臣得以一意馳驅免虞紛雜而於協餉緩急機宜應令及時斟酌咨商各省辦理免致由臣行營

奏咨展轉稽延翻成曠悞實於臣軍大有裨益可否仰  
懇

天恩飭下三品銜翰林院侍講學士袁保恒督辦臣軍西征糧台並得專摺

奏事之處伏乞

聖鑒訓示施行謹

奏同治八年正月三十日

恪靖奏稿續編卷二十目錄

回逆全股東犯迎剿大捷首逆就殲摺

覆奏刑部咨查拿獲回黨丁良貴片

請飭催江海粵海關欠解銀兩片

追剿逆回蕩平董志原賊巢果軍叛勇戕害統將業經殲除大略情形摺

老湘軍叛勇襲踞綏德州調軍進剿片

軍機大臣 字寄回治八年二月初五日奉

上諭戶部奏遵查各省釐金酌定添撥西征軍餉並請  
飭各省整頓釐金各摺片左宗棠前請按年籌撥陝甘  
實餉四百萬兩現據戶部將各省釐金核明通盤籌計  
奏請酌量添撥西北餉源素絀本仰給於東南陝甘現  
又軍務方殷自不得不寬爲籌備卽著照戶部所議安  
徽省除接濟郭寶昌餉需軍火外無論釐金捐輸項下  
著吳坤修每月添協陝甘餉銀二萬兩每年共添協銀  
二十四萬兩浙江省除每月原協左宗棠軍餉銀七萬



兩外著李瀚章每月再添協陝甘軍餉五萬兩每年共  
添協六十萬兩該省每年協濟雲貴軍餉十餘萬兩仍  
著照常籌解該撫前奏每月再各撥五千兩卽著毋庸  
添撥其應協山西清淮名餉不得藉口停免該撫當將  
該省防兵如何裁遣或酌補兵額之處認真籌辦以節  
經費現辦塘工捐輸及外省收捐分局仍著照舊辦理  
毋庸議改湖北省每月除原協陝甘各餉外著李鴻章  
郭柏蔭每月再添撥陝甘軍餉銀四萬兩每年共添撥  
銀四十八萬兩該省歲入各款較前征收短少該督等

隨時逐款整頓並將用款酌量緩急以資周轉本省及  
外省捐輸仍著照常辦理毋庸改議江西省除地丁項  
下每月原協陝甘軍餉銀貳萬兩外著劉坤一每月再  
添撥陝甘軍餉銀肆萬兩每年共添撥銀肆拾捌萬兩  
江西釐金仍須認真經理毋令減色福建省除每月原  
協陝甘餉銀肆萬兩照常籌解外著英桂卞寶第每月  
再添撥陝甘協餉肆萬兩每年共添撥肆拾捌萬兩江蘇  
省除曾國藩前奏由該省每月協濟陝甘軍餉十萬兩  
每年共壹百貳拾萬兩數按月批解外著馬新貽丁

日昌每月再添協陝甘餉銀叁萬兩每年共撥添叁拾陸萬兩該省釐金仍當整頓其各屬捐輸著照常勸辦毋庸議改至留防直東江鄂各軍食餉尙鉅應如何漸次裁減著會商李鴻章妥籌辦理至瑞麟前奏廣東省提存釐金五成協撥外省軍需未據酌定准數著瑞麟李福泰於原協陝甘餉銀每月肆萬兩照舊籌解外每月再添撥陝甘餉銀叁萬兩每年共添撥叁拾陸萬兩該省添支各項經費著瑞麟等力求撙節以省虛糜其本省及外省捐輸事宜仍著照舊辦理以上添撥銀兩著

該督撫等自本年正月始一律照數籌撥遇閏加算按月各解交湖北省陝甘後路糧臺交收均不准稍分畛域偶有滯欠致悞要需該督撫等總當顧全大局妥速籌解左宗棠於接到餉銀時著按照陝甘兩省缺餉多寡分別接濟勻撥以昭公允其各省原協陝甘各路軍營餉項均著照舊支應毋稍牽混各該省報解陝甘新舊撥款及左宗棠劉典穆圖善等營收到各省撥款並各路捐局所收捐款均著隨時奏報以憑查核西征軍餉竭各省之力以供應用左宗棠當樽節支發毋稍糜

費該大臣前請撥肆百萬現已酌撥至三百萬兩不爲不多合之原協各餉及收捐款目每年統計玖百伍拾餘萬兩該大臣原請銀數能否核減卽著迅速覆奏並將各營需餉實在數目分別詳細奏聞釐金一項既據各該省奏報每年減收已不下數百萬兩若辦理不善經費將何所出各該督撫仍須悉心酌核力除中飽毋得徒博虛譽率行減免遇有局卡太密重複徵收者仍隨時裁汰懲辦其釐金報部章程仍照兩淮鹽釐半年奏報一次著馬新貽將開報式樣抄錄咨行各該省查

照辦理原摺片均著挾給閱看另片奏遵議穆圖善請  
催撥餉等語湖北省奉撥甘肅餉銀貳拾萬兩據郭柏  
蔭奏報已如數批解著穆圖善查明此項撥款是否收  
到專案報部查核尙未收到卽著派員迎提左宗棠前  
借洋款貳百萬除已提撥銀貳拾萬兩解甘外其餘應  
分甘省若干著左宗棠趕緊核算將應分甘省之款陸  
續撥給其指撥谷海關六成洋稅壹百萬兩業據各關  
奏報批解過半並著該大臣分半勻給甘肅省毋稍延  
欠四川應解甘省鹽釐銀貳拾萬兩現在解到若干著

左宗棠穆圖善查明迅速報部並著吳棠迅將此項銀  
兩掃數解清毋許推諉其河南等省應協甘餉銀卽著  
戶部開單分投嚴催毋任延宕將此由六百里諭知左  
宗棠李鴻章穆圖善馬新貽英桂瑞麟吳棠丁日昌劉  
坤一李瀚章卞寶第郭榕蔭李福泰並傳諭吳坤修知  
之欽此

回逆全股東犯迎勦大捷首逆就殲摺

奏爲回逆全股東犯官軍迎勦大捷首逆就殲據實馳  
陳仰祈

聖鑒事竊董志原回逆號稱十八營其中回酋如陳琳  
崔魏禹得彥馬正和白彥虎于彥祿等皆擁眾萬餘素  
稱剽悍近因分股出掠均被官軍擊敗饑蹙日甚屢次  
乞撫復無成議遂糾集十八營傾巢東犯以陳琳馮君  
福居前崔魏于彥祿馬正和藍明泰等繼之其餘逆首  
隨後策應共合悍黨三四萬各裹十餘日乾糧於初六



日分道竄出屯踞正南南北兩原及永樂堡白吉原高  
河原一帶勢將逕犯邠州三水併力以擾秦川初七日  
新授陝安道黃鼎在邠州聞報即飛飭總兵徐占彪率  
駐涇北世店之五營伏牛家堡以扼其衝而調集所部  
彝字全軍由邠州繼發一而函約知府劉倬雲自三水  
之職田鎮固原提督雷正綰自長武之政平鎮兩路會  
剿是日午刻賊前隊數百騎馳上世店至牛家堡伏發  
立斃數賊陣斬先鋒虎麻子生擒四人餘眾驚走官軍  
追至原邊賊大股萬餘自白吉原擁出徐占彪以兵力

過單扼溝而守是夜黃鼎親率全部渡涇與世店五營  
合駐沿途遙見白吉宮河一帶號火燭天綿亘數十里  
知賊勢眾盛傳令各營飽餐嚴陣以待初八日平明大  
風東來回騎十餘由洪巖河上世店乘風馳驟黃鼎飭  
各營堅壁勿動將俟其大股麇集突出擊之待至午間  
賊無踵至者遂令馬隊衝出賊即反奔官軍追下洪巖  
河賊紛向白吉原奔竄沿途拋棄騾馬以誘我師黃鼎  
急令各營整隊勿顧悉力跟追甫上白吉原即見陳琳  
馮君福率騎賊千餘擁至官軍奮力衝撲賊且戰且走

追十餘里至白吉鎮忽前途塵土蔽天回逆大隊馬正和于彥祿等分十數路蜂擁而至每路約壹貳千人橫亘十餘里同時張村底廟之間伏賊並出陳琳馬君福亦回馬猛撲而前黃鼎念已深入急令總兵韋占維副將趙興隆遊擊林定遠等率左右各營以敵陳馮兩逆而令總兵徐占彪副將李玉春叅將劉心灼遊擊何玉超等率正副前後各營以當于彥祿馬正和大隊自率縣丞青勝藍主簿謝初旭督中軍繼進以防伏賊包抄布置甫定賊已四合官軍團結方陣周圍鎗炮環擊而

前賊死傷枕藉紛紛敗退馬隊乘勢衝殺步隊繼進逼至原邊賊見事急合隊回撲崔巍于彥祿等各率悍賊回馬來衝勢甚兇悍黃鼎見馬隊少却急督步隊猛進號鼓齊鳴參將胡應芳趙嗣昌督矛手直衝入賊陣截賊爲兩段馬隊繼出鎗礮矛擊斃賊百餘賊大敗官軍分道跟追逼一股至高里坊前阻深溝賊無走路逆首于彥祿率眾死拒連放數鎗副將劉治均躍馬挺矛直前刺落馬下官軍羣矛攢刺割取首級其姪于驢兒馳救復被遊擊朱蘭亭衝出擒之餘逆數百四散奔逃官

軍圍而殲，無得脫者。其時崔魏馬正和等望見勒馬，馳救。官軍乘勝衝擊，縱橫盪決，賊不能支，大敗奔潰。同時韋占維等亦將陳琳馮君福擊敗，合隊跟追賊分路狂奔。陳琳等走政平，大股悉向宮河原竄去。初九日大雪滿川，追至宮河，衣械盡濕。賊前隊已竄，早社官軍沿途搜剿。自辰至午，復截殺尾隊數大隊，連夜竄回老巢。計是役黃鼎一軍共斃賊貳拾餘名，陣斬首逆于彥祿及回目虎麻子楊武明等數十名，生擒回目于驢兒等陸拾貳名，奪獲騾馬肆百餘匹，旗幟軍械無算。我軍僅

受傷五名而已先是固原提督雷正綰得黃鼎函約初八日卽由長武率隊出政平未刻卽見陳琳馮君福等千餘騎奔回望見官軍駭而北竄雷正綰麾軍截擊賊奪路向宮河狂奔官軍乘勝窮追殲賊甚眾初九日正綰拔隊赴宮河助剿忽中途接據探報回酋禹得彥率數千騎南渡涇河由密店入黑河川竄至靈臺之獨店柳家舖一帶遂急收隊折回初十日抵長武之十五里舖探賊尙在獨店攻掠塞堡雷正綰策賊必不虞官軍之速至也卽令各軍飽餐五鼓乘雪夜掩擊十一日黎明

馳抵獨店鎮賊尙未覺總兵陳義圍定邦等分數路大呼馳入賊多不及鞍馬倉卒奔逃官軍奮力衝殺斃賊三四百名奪獲騾馬千計沿途跟縱追剿擒斬復多賊向西屯什字鎮一路狂奔十三日甘肅按察使張岳齡自汧陽上店邀擊於新集鎮復有斬獲餘賊悉向鄭家岸崇信一路折竄回巢臣等竊維回逆以糧盡力竭之餘出萬死一生之計大舉深入克狡實異尋常仰賴皇上德威將士用命日夜苦戰大挫克鋒現據陝安道黃鼎解到逆酋于彥祿首級及生擒回日于驢兒等三

十餘名到臣宗棠乾州營次臣逐一提訊多係七八年  
稔惡積匪兇狠異常當經擇其尤悍者十九名立予  
誅並于彥祿首級傳示西同鳳被害地方百姓夾道  
呼觀者如堵洵足以伸

天討而快人心此次各營員弁勇丁忍饑屢戰晝夜窮  
追不遺餘力實屬著有微勞而黃鼎一軍殲斬逆渠尤  
爲異常出力應請先予獎叙以顯殊尤茲據開單呈請  
保獎前來臣等覆核無異留陝補用總兵堅勇巴圖魯  
徐占彪補用總兵長勇巴圖魯韋占雄請仍以總兵記



新編卷二十一  
名遇缺儘先題奏並請

賞加提督銜記名總兵鼓勇巴圖魯趙嗣昌請

賞加提督銜儘先副將壯勇巴圖魯李玉春儘先副將  
力勇巴圖魯陳萬春儘先副將趙興隆劉治均請免補  
副將以總兵儘先補用趙興隆劉治均并請

賞加勇號儘先副將銳勇巴圖魯皮昌魁請以總兵升  
用副將銜儘先參將胡應芳劉心灼請免補參將以副  
將儘先補用儘先遊擊果勇巴圖魯林定遠儘先遊擊  
著勇巴圖魯何玉超儘先遊擊黃虎臣請免補遊擊以

參將儘先補用黃虎臣並請

賞加勇號都司朱蘭亭請以遊擊儘先補用並請

賞加勇號五品銜儘先卽選縣丞青勝藍請免選本班  
以知縣留於陝西儘先卽補並請

賞戴藍翎候選主簿謝初旭請免選本班以縣丞留於  
陝西儘先補用並請

賞加五品銜其餘各營員弁勇丁可否准臣等擇尤彙  
案保獎以昭激勸之處出自

天恩所有回逆全股東犯官軍迎剿大捷逆首就殲情

形謹合詞據實馳

奏此摺係由臣宗棠主稿於乾州拜發合併聲明伏乞  
皇太后

皇上聖鑒訓示施行謹

奏同治八年二月二十三日

同治八年二月二十三日內閣奉

上諭左宗棠等奏回股東犯官軍迎勦大捷請將出力  
各員獎勵一摺甘肅董志原回逆陳琳等糾集悍黨傾  
巢東犯本月初六日分道竄踞正甯南北兩原及永樂

堡白吉原宮河原一帶經陝西陝安道黃鼎由邠州率軍進討並約提督雷正綰等分路會剿黃鼎親率全部渡溼巖陣以待逆首陳琳馮君福率騎賊千餘至白吉原衝撲馬正和于彥祿等逆分十數路蜂擁續至每路約二千人橫亘十餘里黃鼎令總兵章占雄徐占彪等分路迎敵自率中軍繼進賊股四合官軍結方陣環攻參將胡應芳等衝入賊陣截爲兩段馬隊繼出斃賊百餘賊大敗官軍分追副將劉治均刺斃逆首于彥祿其姪于驢兒馳救游擊朱蘭亭復出擒之餘逆逃散與崔

魏陳琳等逆同時敗竄回巢是役共斃賊二千餘名陣斬首逆及回目數十名生擒六十餘名雷正綰軍馳至獨店鎮及按察使張岳齡邀集於新集鎮均有斬獲剿辦尙屬得手所有尤爲出力之總兵徐占彪韋占雄均著仍以總兵記名遇缺儘先題奏並賞加提督銜趙嗣昌著賞加提督銜副將李玉春等四員均著免補副將以總兵儘先補用內趙興隆並賞給張勇巴圖魯名號劉治均並賞給効勇巴圖魯名號皮昌魁著以總兵升用參將胡應芳等二員均著免補參將以副將儘先補

用游擊林定遠等三員均著免補游擊以參將儘先補用內黃虎臣並賞給揚勇巴圖魯名號都司朱蘭亭著以游擊儘先補用並賞給堅勇巴圖魯名號縣丞青勝藍著免選本班以知縣留於陝西儘先卽補並賞戴藍翎主簿謝初旭著免選本班以縣丞留於陝西儘先補用並賞加五品銜其餘出力員弁著准其擇尤彙案請獎該部知道欽此

覆奏刑部咨查拏獲回黨丁良貴片

再臣宗棠於本月二十二日准刑部咨開步軍統領衙

門奏送擊獲置買軍械回黨丁良貴等一案前因詰訊  
丁良貴馬太平等所供係隨同馬化澂投誠回民在甘  
肅靈州金家堡馬化澂所開之順慶源萬興魁雜貨鋪  
幫夥每年來京辦貨此次丁良貴售買洋鎗係因穆圖  
善營官弁姜姓尋買帶回漁利並無別情查閱起獲領  
銀原摺印有萬興魁圖記與犯供無異惟當回逆未靖  
該犯皆係回民潛至京師難保非借辦貨爲名代賊偵  
探消息且該犯等私辦洋鎗尤恐有濟賊情事非行查  
明確不足以成信讞請

旨飭下署陝甘總督穆圖善詳細查明屬實迅卽覆奏  
同治七年八月十九日奉

旨依議欽此當經飛行該署督查查明覆奏旋於十二月  
初五日復飛催各在案迄今半載仍未據查覆咨卽查  
明覆奏一面飛咨報部等因准此 臣宗棠查投誠回民  
馬化澂所居金積堡或稱金鷄堡其地南與董志原逆  
巢相距不遠中有回莊十數處陝甘回族雖分隸兩省  
而氣類相通無分彼此自昔已然現在軍中屢次陣擒  
回逆所有洋鎗洋藥戰馬均供由馬化澂自歸化城一



帶販來銷售董志原賊巢內蕭金鎮等處開市設鎮貿易所有百貨均自金積堡運販而來此次奪獲逆首于彥祿所騎之戰馬據逆首于驢兒所供卽係馬化濬用銀七百二十兩買來餽送于彥祿者又據探報董志原賊巢糧食將絕馬化濬於二月初用駱駝一千五百餘隻駝運糧食濟賊叻其糞糧入犯是馬化濬陽雖就撫陰實助逆情事確鑿了無疑義都察院拏獲置買洋鎗之犯刑部所奏恐有濟賊之事洵屬推勘得實應請旨飭下刑部丁良貴馬大平研訊確供照律懲處以昭

炯戒查逆回糧食鎗械子藥戰馬均由金積堡販運而  
來而金積堡販運之貨均從歸化城包頭一帶轉運前  
此包頭曾獲回逆買馬之事是其明證應懇

天恩飭下綏遠城將軍歸化城副都統督飭五廳嚴密  
盤詰遇有甘肅採買糧食戰馬鎗砲等項非持有穆圖  
善委員印文一概禁止轉運以昭慎密是否有當伏候  
聖鑒訓示施行謹

奏 同治八年二月三十日

請 飭催江海粵海關欠解銀兩片

再臣自上年八月奉師西旋蒙

恩俯念西征餉糈缺乏

飭撥六成洋稅一百萬兩藉資接濟迄今已二月下旬  
惟閩海關二十萬兩江漢關十五萬兩浙海關五萬兩  
均已陸續解清其江海關五十萬兩僅解到十五萬兩粵  
海關十萬兩僅准報解二萬兩統計江海粵海尙短四  
十八萬兩之數臣軍西行將屆六箇月各軍欠餉以五  
六箇月不等待哺嗷嗷無可設措臣上海採運局道員

胡光墉聞

臣

軍情形迫切勉於十二月內向親友借貸

浙庫平銀十五萬兩匯解來秦臣軍暫咨敷衍尙未詳  
潰然究屬杯水車薪前欠後空早已告罄可否仰懇  
飭下兩江督臣馬新貽江蘇撫臣丁日昌粵海關監督  
師曾趕緊儘數起解暫支危局出自  
天恩理合附片陳明伏乞

聖鑒謹

奏同治八年二月二十三日

軍機大臣 字寄同治八年二月十三日奉

上諭穆圖善奏收復肅州大概情形請將出力員弁獎勵並錄肅州回目原稟暨遵繪地圖附陳甘省兵勢賊情餉事擬由川省招募兵勇請飭成祿自設糧台金順回駐花定各摺片覽奏均悉所陳收復肅城情形與成祿前奏大畧相同其隨同收復州城之提督陶世寶等本日已明降諭旨照所請分別獎勵矣前諭楊占鰲隨同成祿出關剿賊惟現在肅城新復一切善後事宜亟須布置該署督卽飭楊占鰲暫駐肅州會同該鎮道等

悉心籌辦毋令再生事端甘州金塔等處匪蹤未淨並著該署督飭令李守愚等相機布置以靖地方所有安肅道信印前已飭部頒給其鎮州印信並已諭禮部另鑄頒發俾資信守至回目稟內所稱沙州口外各回民奉烏魯木齊妥老阿渾送書來肅寄來帥印二顆其中有無別項情節成祿現在出關卽著就近查明斟酌辦理其餘稟訴各情亦著穆圖善隨時體察以消反側成祿統軍西行本無定所應於何地方設糧台便於呼應之處仍著該提督自行派員督辦該軍需用糧餉著左

宗棠於撥給甘餉內分籌該軍的餉數成毋令缺乏穆圖善亦當於甘餉解到時按照左宗棠所籌成數逕解成祿糧台不可意存歧視四川等省每年應協成祿軍餉卽著戶部查照原撥省分迅速咨催前解金順現已移紮定邊花馬池一帶卽著督飭所部兵勇實力防守邊賊東趨磴口糧台是否被回匪全搶著左宗棠穆圖善庫克吉泰定安鄭敦謹劉典查明實在情形具奏委員烏勒西布等下落並著穆圖善飭員查辦甘省兵勇缺額太多由四川招募充補能否得力糧餉能否接濟

著該署督酌度辦理甘民困苦已極該署督自當妥籌  
良策用就救平不得以餉絀兵單爲辭稍存諉卸左宗  
棠已行抵乾州於甘省情形知之較易該署督便可將  
兵勢賊情彼此和衷商辦迅奏廓清以紓屢系圖二件  
著留覽穆圖善奏裕口糧台被搶一片著抄給左宗庫  
克吉泰定安鄭敦謹劉興閱看將此由六百里各諭令  
知之欽此



軍機大臣 字寄同治八年二月二十五日奉

上諭前據左宗棠奏請於陝甘餉項外專款指撥西征  
實餉當交戶部議奏茲據該部奏稱各省專協左宗棠  
劉典穆圖善軍營月餉皆同治六年以前奏定數目此  
外另協之款如指撥洋稅一百萬兩接濟左宗棠軍餉  
及劉松山郭寶昌協餉尙不在內本年二月間添撥安  
徽等省七省釐金三百萬兩原係歸併覈議令各省轉  
解左宗棠軍營兌收酌協陝甘兩省之用未便另分西  
征實餉等語各省報解協餉遲速多寡難免參差若必

區定協餉界限彼此不能逼融則各路軍營餉需必至此絀彼盈中多軒輊左宗棠總統師于陝甘兩省皆該大臣管轄自應將兩省軍需通盤區畫隨時勻撥接濟不必強分界限亦無庸稍避嫌疑嗣後各省關前後奉撥陝甘軍餉除專解穆圖軍營及秦州銀每年一百二十萬兩仍解甘肅外其原撥左宗棠協餉每年三百三十餘萬兩劉典協餉每年六十萬兩及本年添撥各省釐金三百萬兩均仍由左宗棠兌收以一事權該大臣務將各軍一切餉需酌量緩急撥濟並分助甘肅之用

不得置穉圖善軍營於不顧至各該省關原撥陝甘兩  
省各路軍營餉項及安徽等七省本年添撥陝甘軍餉  
銀兩著戶部咨催各該省力籌報解倘任意延欠卽由  
該部指名嚴參原摺著抄給左宗棠閱看至郭寶昌軍  
營月餉不敷已照戶部所議論令吳坤修每月再添撥  
一萬一千兩連前撥二萬五千兩並原撥湖南改由皖  
省籌解之五千兩共銀四萬一千兩按月一併解往郭  
寶昌軍營山西月協之一萬兩亦諭鄭敦謹按月籌解  
此外製造轉運軍火軍裝等費卽著左宗棠酌量籌給

該大臣當督飭郭寶昌奮勉圖功毋得糜餉老師是爲  
至要將此由五百各諭令知之欽此

追剿逆回蕩平董志原賊巢果軍叛勇戕害王將  
業經殲除大略情形摺

奏爲官軍追剿逆回蕩平董志原賊巢現正窮追叠獲  
大勝尙未收隊果軍叛勇戕害統將業經殲除現捕首  
逆先將大略情形馳報仰祈

聖鑑事竊回逆全股東犯竄軍迎剿大捷逆首孰殲業  
經臣等於二月二十三日由驛馳

奏此次之捷逆酋于彥祿陣斬外斃各悍目實多回酋  
馬正和亦帶傷而逃賊回巢後恟懼益甚始下僞令擊

眷先徙金積堡以悍賊殿後拒官軍繼復議暫勿移巢而賊中自縊者紛紛不能禁遏各路詞報相同臣等飭諸路統領急將糧料運足伺賊竄動則追之慮各路銳進而賊或分支擾我後路也復令各留四成隊於後以期慎密又慮各軍分布數百里未能克期畢赴則飭各軍相機而進但覘賊動卽各銳進追之毋懷觀望以致自相牽制遲掉不靈二十二日探報賊之輜重婦女老幼已竄動而悍賊則仍扼太昌鎮二十三日雷正綰黃鼎馬德順二品頂戴留陝補用道李耀南率馬步各軍

由長武縣分三路直搗太昌鎮卽於是日師進三不通  
地方二十四日進西峯鎮蕭金鎮鎮原縣孟壩寺三汭  
河等處二十五日進驛馬關北十五里白馬鋪追殺悍  
回竄一萬數千名拔出被虜漢民男婦數千復由白馬  
鋪越蔡店追殺至慶陽府沿途賊屍枕藉人馬之隊崖  
倒斃糧盡餓斃者不可數計現在乘勝窮追尙未收隊  
所有各軍獲勝詳細情形容俟續報察看賊蹤由西而  
北徑趨金積堡諸軍躡追甚急其老弱婦女輜重縱盡  
達金積堡繼後之悍賊必可殲除淨盡機勢實爲順利

臣宗棠既飭各軍分路前進正擬率親軍進邠州忽於二十二夜得臣劉典急報甘肅提督高連陞所部弁勇忽變二十夜三更有賊數百圍高連陞楊店營帳將高連陞戕害營官總兵銜副將賀茂林提督銜總兵黃毓馥聞變救援均同時遇害叛卒既戕統將卽徧脅各營各營之預謀者起而應之倉卒之頃營哨各官均不知所爲二十二日駐金鎖關之副後營營官楊銘濬聞變帶所部馳援行過同官要同官守將遊擊桂錫楨與俱甫行十餘里遇楊店逃出弁勇告知統將被戕營官幕



友均已遇害叛卒已脅各營爲亂將趨同官脅馬隊營  
劫糧局趨金鎖關脅副後營楊銘潛帶十餘騎折回同  
官而所部步隊在後桂錫植帶所部馬隊急回同官布  
置城守少頃叛卒大至繞西北兩面大聲而呼城上無  
應者楊銘潛上城上瞥見所部副後營旗幟亦植立不  
動異之遽下城招呼就列甫入隊中隊中亦呼殺營官  
楊銘潛甫上馬矛已及其左足桂錫植在城上瞭見知  
副後營亦變遽下城率隊衝入副後營後哨哨長叅將  
龍恩思及未與逆謀各弁勇擁楊銘潛出擊鎗挺矛拒

追者桂錫楨楊銘濬遂同入城登陴固守叛卒環逼城下桂錫楨禦之鎗礮對施斃賊數十名其攀援上城者皆經刀矛所刺紛紛墜下楊銘濬龍恩思亦各手刃兩賊自是日巳午之交交二十二日卯刻叛卒徹夜猛撲桂錫楨憑城擊殺數百名奪獲木梯三百二十餘架天明賊退桂錫楨開城追剿斃賊八十餘名生擒叛卒十一名正酣戰聞伏賊從東西兩溝突出桂錫楨面被矛傷右手受石傷猶縱橫血戰賊仍敗走是日辰刻記名提督周紹濂聞變率所部中前右三營行隊迅赴古泉

適叛卒蜂擁而至周紹濂督副將劉甫田同知張權英副將周玉林等分路堵剿立斃騎賊十餘步賊數十賊始敗遁官軍進據古泉空壘叛賊仍敢圍壘猛撲均經劉甫田總兵董玉春及各哨長什長悉力擊退乘勝躡追計共斃賊三百數十名繳出軍器伏地自投者五百餘名而官軍已陣亡十四名帶傷者四十餘名蓋亦惡戰矣二十三日桂錫楨復派馬隊兩哨進攻金鎖關米子窩擒斬多名叛卒望風而靡臣劉典聞變之初立派記名提督丁賢發率所部進耀州扼其南竄是日卯刻

抵耀適叛卒已經桂錫楨周紹濂等擊敗其兇悍之尤  
甘心爲逆者擒斬殆盡其倉卒被裹繳械來投者四百  
餘名丁賢發收之其分駐馬欄鎮之果軍後營營官副  
將李瑞林前營總哨官王光發於軍變時恐衆心不固  
臧請福建候補知府劉倬雲赴馬欄以資鎮壓二十二  
日劉倬雲率所部三營及親兵中哨馳赴馬欄傳集弁  
勇諭以大義毋得受人愚弄自干刑誅二十三日率之  
同歸職田鎮李瑞林派弁勇赴楊店覓高連陞遺骸得  
之昇歸職田二十四日總兵張福齊截擊叛逆餘黨於

馬欄鎮賊已散盡收輯被脅者百五十餘名是夜三更劉倬雲聞叛卒有趨山河鎮入董志原者急率所部截之山河鎮二十五日巳刻抵山河適回逆白彥虎鄒阿渾餘竄馬步約數百來窺山河劉倬雲令軍士卸號衣扮叛卒前往誘之比以大隊轟擊斃回逆四十餘名生擒回目許阿宏等十四名訊據共稱叛逆約其來迎不料爲官軍所敗也通計高連陞所部馬步九營除桂錫楨馬步全營殺賊立功外李瑞林所帶後營正前營總哨王光發所帶三哨及各營弁勇從叛軍中衝出來投

者共又收集五營其已經官軍擒斬者千餘名事已大定訊據生擒叛勇及賊中逃出弁勇共稱二月初旬高連陞因各營收留外來游勇甚多中有哥老會匪藏匿飭各營哨嚴察懲辦勒令首悔而前營親兵丁玉龍畏罪倡亂嗾各營之曾經入會者勾約回逆於二月二十八日入犯因而舉事適高連陞捕丁玉龍甚急丁玉龍竄入左營與左營管軍裝差弁鄔宏勝卽鄔麻子哨長朱德達右營哨長蔣宏高前哨什長石文科等迫不及待密謀於二十日夜三更藉索餉爲名逕赴高連陞楊

店營次致此異變其時各營未預逆謀之弁勇均以變起倉卒被其脅制幸桂錫楨周紹濂扼之同官古泉發加痛剿叛黨駢首就戮而未變各弁勇始得自拔來歸計該軍謀變起事未及五日卽以撲滅而剿回之師自太昌荔家堡起追過三不通蕭金鎮西峰等處直抵慶陽府城凡董志原賊巢無不窮追徧到一律肅清叛逆無可勾之回回逆亦無可勾之叛而異變旋銷大局收靜此固非臣等意料所及也現飭將未變各弁勇概行收輯歸併成營以便從容編審淨絕根株其同時遇害

之各員弁勇丁應俟確查後再請

恩卹逆黨陳恆貴黃起昌鄧得勝熊益貴熊兆祥匡世  
明黃秀成王永春張連芳等均經訊明斬梟其首逆是  
否已經擒斬尙未據各軍稟報現通飭各州縣營汛及  
渭河水師潼關荆紫關各防軍嚴密巡察務獲盡法懲  
處以申軍令而雪高連陞及遇害各員之恨伏念甘肅  
提督穆特本巴圖魯高連陞從軍楚粵屢著戰功蒙  
文宗顯皇帝天恩特擢廣東石江鎮總兵臣宗棠於咸  
豐十一年入浙時調其隨征克復湯谿縣金華府城及



浙江省城湖州府城浙江全省肅清復追剿首逆李世賢汪海洋由江入粵克復廣東鎮平縣城嘉應州城其時已蒙

皇上天恩擢授廣東陸路提督臣宗棠念廣東亂民過多制兵又不足恃於班師回閩時

奏請

飭高連陞赴廣東陸路提督新任以資整理高連陞在任殲除土客各匪聲績卓著適臣調督陝甘高連陞絀履頻來堅求同剿回逆臣宗棠

奏調赴陝蒙

恩調任甘肅提督高連陞感激圖報剿捻剿回無戰不克身爲大將臨陣輒躍馬爭先恥居士卒之後又收隊論功輒推獎諸軍若未嘗親預其事者爲人廉靜樸訥待士卒有恩自奉最約任實缺提鎮多年廉俸均充公用臣宗棠臣典近因其家無擔石兩親尙在甘旨缺如擬各分廉餘爲之薄謀菽水聊資贍養而高連陞以欠餉已久義不可先願已私堅辭不受其節概如此以該提督忠勇廉讓宅心寬厚如此不死於賊而死於二三

逆豎之手此則臣等所不解者也合無仰懇

皇上天恩飭部照提督陣亡例議給卹典

俯允賜諡並

宣付史館立傳以彰戰績該提督轉廣西浙江福建廣東陝西各省勞績卓著其立功之地可否

准建專祠以示

恩褒而昭激勵伏候

皇太后

皇上聖鑒訓示施行謹

奏

同治八年三月初一日

老湘軍叛勇龔踞綏德州調軍進剿片

再臣等連日辦理果軍叛勇一案甫將就緒二十六日忽接劉松山所部駐山西永甯州軍渡之營帶中軍三旗提督何作霖飛報本月十三日已刻有勇丁自綏德州來據稱駐紮綏德州之前軍後旗勇丁因邀結哥老會經該營官查出縛犯將按軍令忽該營勇丁峰起奪犯左軍四旗弁丁從而附和右旗後旗及馬隊四營繼起應之當劫劉松山所設綏德州城糧局何作霖聞變

慮駐西岍宋家莊之五旗被其勾煽乃調過東岍以便  
鈐束十六日巳刻叛卒東來軍渡對岍揚旗吶喊意似  
勾引東岍之三旗五旗何作霖合三旗五旗勿動仍開  
礮轟之叛卒遽退探報劉松山所駐綏德州城外者同  
時俱變分統之提督易德麟蕭章開提督蘇松鎮總兵  
章合才及馬步各營官有離營者有被叛卒脅制入城  
者惟營務處提督黃萬友堅不入城叛卒亦不敢逼現  
仍駐城外然隨身僅親軍二十餘人無如何也旋據前  
署綏德州知州道銜知府成定康十六日自延川之虎

兒塢發稟據稱十三日辰刻湘軍突變襲距州城十四日成定康帶隊衝出是日叛卒追至石家溝將成定康圍住是夜五更成定康突圍而出殺叛卒甚多而官軍亦陣亡五十餘人十五日行五十里至聚坪將赴清澗叛卒復截阻去路成定康繞出店子溝以向虎兒塢擬於十七日赴延水關駐紮續據署綏德州知州陳瑞芝自州城外二十餘里周家河稟報情形及派赴永甯綏買軍糧甘肅甯州府知府朱學篤所稟大略相同尚未接到劉松山緘牘蓋相距千餘里北山各州縣尙無驛

站文報必繞由山西馳遞陝省中多梗滯也惟劉松山  
全軍糧路專在軍渡其地屬山西永甯州當綏德州正  
東茲州城爲叛卒所踞而該軍採儲之糧存西岍宋家  
莊者據何作霖稟又已爲張曜上年逃回嵩武三營潰  
卒乘機劫奪劉松山勢難直趨綏德州非繞由延川之  
延水關就糧不能前進也現據延安府縣稟報劉松山  
已抵延安矣臣前因高連陞果軍潰叛檄調郭寶昌分  
撥數營由洛川中部一帶進剿茲果軍叛卒旣平而綏  
德州復有叛卒陷踞州城之事局勢旣更不得不隨宜

布置已飛飭郭寶昌迅由宜川進延長延川會同劉松  
山成定康進剿宋慶一軍已到神木亦檄其由神木南  
趨相機進剿一面飭何作霖嚴扼軍渡一面咨山西撫  
臣飭山西已革臬司陳澐嚴節偷渡又全福馬隊一起  
已據報正月十九及二十九日起程計此時已行抵直  
隸應懇

天恩飭下直隸督臣山西撫臣札知全福由汾州永甯  
州過河隨同劉松山進剿其後永甯州所需餉糧馬乾  
臣等已飭汾州永甯採運局員預備矣全福郭寶昌宋



慶曾與劉松山共事最稱契洽當可相與有成也事變紛乘倍形跋扈謹當悉心商榷慎以圖之所有綏德勇變現籌布置情形謹附片

奏伏乞

聖鑒訓示施行謹

奏 同治八年三月初一日

軍機大臣 字寄同治八年三月初七日奉

上諭左宗棠劉典奏官軍蕩平董志原賊巢果軍叛勇戕害統將並綏德勇變情形各摺片董志原回匪疊經

官軍懲創潛謀竄遁經雷正綰黃鼎督軍追剿自太昌  
荔家堡起直抵慶陽府城斬馘盈萬沿途賊巢一律肅  
清在賊蹤徑趨金積堡正可乘其喘息未定痛加剿洗  
著左宗棠劉典飭令各軍節節進剿毋稍鬆勁追軍既  
經深入仍當策應後路以助聲援不可稍涉大意所有  
各軍獲勝情形並著詳細奏聞果軍營勇變亂提督高  
連陞被戕本日已明降諭旨照請予卹矣此次變起倉  
猝經周紹濂等扼之同官古泉叛黨殲除殆盡辦理尙  
爲迅速首逆丁玉龍是否在逃必須嚴拿務獲盡法懲

治毋任漏網綏德州叛勇情形前已據金順鄭敦謹先後奏報諭令左宗棠等速籌戡定現在郭寶昌宋慶等均已前進兵力甚厚著左宗棠劉典飭令劉松山會合各軍迅速圍剿勿任旁竄其軍渡一帶著鄭敦謹飭令陳湜嚴密守禦以防偷渡陝省各營旬日之間勇丁兩變殊屬不成事體左宗棠身統師干責無旁貸應如何整頓營規撫馭將士豫籌弭變之方務當悉心籌畫以固軍心而杜後患全福馬隊計已行抵直隸境內著曾國藩鄭敦謹催令由山西汾州永寧州過河隨同劉松

山進剿毋稍遲延將此由六百里各諭知之欽此

同治八年三月初七日內閣奉

上諭左宗棠等奏提督大員被害懇恩賜卹一摺甘肅  
提督高連陞自咸豐初年從軍在廣西湖南剿辦賊匪  
嗣復轉戰浙江福建廣東等省登克城池殄滅李世賢  
汪海洋巨股卓著戰功迨經左宗棠調赴陝西由廣東  
陸路提督調任甘肅提督追剿回捻身先士卒所向有  
功實屬忠勇性成深資得力乃因查拿叛勇倉卒被害  
殊堪憫惻高連陞著交部照陣亡例議卹並加恩予諡

其從前戰績著宣付史館立傳並准於廣西浙江福建  
廣東陝西等省立功處所建立專祠以慰忠魂另片奏  
請將剿除叛勇出力各員獎勵等語提督周紹濂著賞  
換法什尙阿巴圖魯名號游擊桂錫楨著以參將留於  
甘肅補用並賞加副將銜周紹濂桂錫楨所部出力員  
弁著准其擇尤保獎毋許冒濫欽此